



Број: 01/4-50-3-4-11/15
Сарајево, 26.8.2015.

Z A P I S N I K

11. sjednice Komisije za finansije i budžet Predstavničkog doma Parlamentarne skupštine BiH, održane 25.8.2015., od 13,00 do 14,30 sati.

Sjednici Komisije prisustvovali su članovi: Predrag Kožul, Salko Sokolović, Nenad Lalić, Amir Fazlić, Dušanka Majkić, Mirsad Isaković, Aleksandra Pandurević i Damir Bećirović.

Opravdano je odsustvovao Jasmin Emrić.

Sjednici su, također, prisustvovali: Damir Arnaut, poslanik u Predstavničkom domu Parlamentarne skupštine BiH, Nedeljko Tanasković, šef odsjeka u Ministarstvu finansija i trezora BiH, Samir Mušović, savjetnik, Aleksandar Paleksić, Elma Muratović i Karlo Holub, saradnici u USAID SGIP, Robert Vidović, sekretar Komisije za finansije i budžet Doma naroda PSBiH, Zoran Žuža, šef Odjela za informiranje u Sektoru za odnose s javnošću Sekretarijata PSBiH, Vlade Srdanović, stručni saradnik, te Željko Kosmajac, sekretar Komisije.

Sjednici su prisustvovali i predstavnici medija: Semira Degirmendžić, novinarka Dnevnog avaza, Venera Jakupović, novinarka FENE, i Snežana Samardžija, novinarka SRNE.

Sjednicom je predsjedavao Predrag Kožul, predsjedavajući Komisije.

Za sjednicu je predložen sljedeći

DNEVNI RED

1. Usvajanje Zapisnika 10. sjednice Komisije;
2. Razmatranje Prijedloga zakona o dopunama Zakona o plaćama i naknadama u institucijama BiH – druga komisijska faza (predlagač: poslanik Damir Arnaut);
3. Tekuća pitanja.

Ad.1. Usvajanje Zapisnika 10. sjednice Komisije

Zapisnik 10. sjednice Komisije za finansije i budžet usvojen je sa sedam glasova „za“ i jednim glasom „suzdržan“.

Ad.2. Razmatranje Prijedloga zakona o dopunama Zakona o plaćama i naknadama u institucijama BiH – druga komisijska faza (predlagač: poslanik Damir Arnaut)

Prijedlog zakona o dopunama Zakona o plaćama i naknadama u institucijama BiH obrazložio je Damir Arnaut, poslanik u Predstavničkom domu Parlamentarne skupštine BiH.

Potom je otvorena rasprava u kojoj su učestvovali: Aleksandra Pandurević, Dušanka Majkić, Damir Bećirović, Mirsad Isaković, Salko Sokolović, Predrag Kožul, Damir Arnaut, poslanik u Predstavničkom domu Parlamentarne skupštine BiH, i Nedeljko Tanasković, šef odsjeka u Ministarstvu finansija i trezora BiH.

Nakon rasprave, Komisija je, s četiri glasa „za”, jednim glasom „protiv“ i tri „suzdržana“ glasa, usvojila sljedeći zaključak:

„Komisija za finansije i budžet Predstavničkog doma PSBiH odgađa izjašnjavanje o Prijedlogu zakona o dopunama Zakona o plaćama i naknadama u institucijama BiH u drugoj komisijskoj fazi i traži od Kolegija Predstavničkog doma da, u skladu s Poslovníkom Predstavničkog doma, produži rok za dostavu izvještaja o Prijedlogu zakona za 10 dana, sve s ciljem pronalaženja odgovarajućeg zakonskog rješenja.“

Ad. 3. Tekuća pitanja

Sekretar je upoznao članove Komisije s aktivnostima Ureda sekretara Komisije po Planu razmatranja revizorskih izvještaja o finansijskom poslovanju institucija BiH za 2014. godinu. Potom je Komisija zadužila članove Komisije za revizorske izvještaje institucija BiH čiji će predstavnici biti javno saslušani u skladu s Planom razmatranja revizorskih izvještaja.

Aleksandra Pandurević predložila je da Komisija, pored revizorskih izvještaja o finansijskom poslovanju institucija BiH koji su predviđeni da se razmatraju u skladu s Planom za razmatranje revizorskih izvještaja za 2014. godinu (revizorsko „mišljenje s rezervom“ i „mišljenje s rezervom uz isticanje predmeta“), razmatra i Revizorski izvještaj o finansijskom poslovanju Uprave za indirektno oporezivanje BiH za 2014, koji je dobio revizorsko „pozitivno mišljenje sa isticanjem predmeta“, te da na sjednici Komisija sasluša predstavnike Uprave.

Nakon toga Komisija je, sa šest glasova „za“ i dva glasa „protiv“, odlučila da obavi javno izjašnjavanje predstavnika Uprave za indirektno oporezivanje BiH, vezano za revizorski izvještaj o finansijskom poslovanju za 2014. godinu.

Također, sekretar Komisije upoznao je Komisiju s prijedlogom Zajedničke komisije za administrativne poslove o održavanju zajedničkog sastanka s komisijama za finansije i budžet oba doma Parlamentarne skupštine BiH na kojem bi se razmatrao revizorski izvještaj o finansijskom poslovanju Parlamentarne skupštine BiH za 2014. godinu.

Potom je Komisija jednoglasno prihvatila prijedlog Zajedničke komisije za administrativne poslove za održavanje zajedničkog sastanka, te obavezala sekretara Komisije da koordinira dogovor o datumu i vremenu održavanja sastanka.

Sekretar Komisije

Željko Kosmajac

Predsjedavajući Komisije

Predrag Kožul

Prilog: Neautorizirani transkript 11. sjednice Komisije za finansije i budžet PDPSBiH